

四庫全書

子部

欽定四庫全書

子部
銀海精微卷下

詳校官太醫院醫官_臣姜晟

編修_臣倉聖脈覆勘

總校官知縣_臣楊懋珩

校對官學正_臣沈培

謄錄監生_臣孫珩

欽定四庫全書

銀海精微卷下

紅霞映日



問曰人之患眼赤澁腫痛年深有紅翳於烏睛上濃
淚如紅霞映日者何也答曰此乃三焦積熱肝膈風
熱上攻致然也治之須用去風散血清涼之藥

修肝散 治肝氣不順

防風

羌活

當歸

生地黃

黃芩

梔子

赤芍藥

甘草

藁本

大黃

白蒺藜

右各等分水煎服

撥雲散

黃芩

甘草

藁本

梔子

防風

菊花

密蒙花

連翹

桔梗

薄荷

赤芍藥


白蒺藜

右水煎食後服

加味修肝散

方在小兒眼生翳內

早 晨 疼 痛



問曰早晨痛至午者何也答曰早晨至午皆陽旺是
虛陽攻上頭風攻注為諸陽之首早晨人動則血運
赤陽轉於首與風氣相攻早晨疼痛兩背宜服川芎
散白蒺藜散

川芎散

石膏

二兩

川芎

五錢

白附子

一兩

甘草

羌活

菊花

地骨皮

右等分水煎服

白蒺藜散

方在肝風目暗症內

午後疼痛



問曰人之患眼午後至夜漸加疼痛者何也腦虛陽
毒勝也人身之血午後行於陰道至夜歸於肝之司
沉腦虛陰毒勝故午後漸疼痛昏花也治之須用回
陽湯次以夜光柳紅丸宜服

回陽湯 治眼珠淡紅羞澁難開宜服

附子

人參

當歸

川芎

赤芍藥

茯苓

五味子

細辛

車前子


甘草

右每服棗子一枚姜三片水煎半饑服

夜光柳紅丸 方在風牽出臉症內

治風濕傷肝

痛極增寒



問曰人之患眼痛而增寒者何也答曰此乃氣衰血
盛經曰血榮氣衛足厥陰主血榮陰也衛為陽今氣
衰血旺乃陽不盛陰故痛極而惡寒也宜服附子猪
苓湯白朮湯

附子猪苓湯

白芍藥

甘草

羌活

各一两

附子

猪苓

加黄芩

柴胡

右每服五錢水煎服之

白朮湯

白朮

川芎

蔓荊子

沒藥

白蒺藜

去刺

黄芩

防風

五味子

菊花

甘草

右各等分水煎服

問曰人之患眼痛而體熱者何也答曰衛屬陽而發熱榮屬陰而發寒榮衛為陰陽之道也在上屬心肺在下屬肝腎今乃氣旺而血衰是陽多陰少故痛而體熱是熱邪歸于心也宜服洗心散解明散

洗心散

大黃

赤芍藥

荊芥

黃連

當歸

連翹

薄荷

甘草

解明散

當歸

赤芍藥

黃芩

菊花

柴胡

地骨皮

車前子

桔梗

生地黃

梔子

連翹

各一兩

右各等分水煎服

臉停瘀血



問曰人之患眼臉停瘀血者何也答曰此乃肝氣凝滯脾胃停風濕也或因天行赤眼之後起之太早不能調養則使血凝於胞臉之間名曰瘀血治之須番上下胞臉剗洗瘀血至盡宜服退赤散當歸散

退赤散

大黃

黃芩

黃連

白芷

當歸

赤芍藥

梔子

桑白皮

右各等分水煎服

當歸散

當歸

生地黃

赤芍藥

川芎

甘草

菊花

木賊

黃芩

大黃

蒺藜

木通

梔子

右各等分水煎服

不赤而痛



問曰人之患眼不痒不赤而痛者何也答曰氣腦虛也榮衛不和血氣凝滯亦有也七情鬱結肝風冲上腦中風氣相攻故不痒不赤而痛初患急服藥恐變為五風內障難治宜服透紅勻氣散川芎散助陽和

血湯

透紅勻氣散

當歸

細辛

白芷

沒藥

澤蘭

甘草

茴香

天仙藤

厚朴

乳香

肉桂

黑牽牛

生地黄

羌活

各一兩

右為末每服三錢熱酒調下

川芎散

川芎

菊花

細辛

鼠粘子

石膏

姜蠶

蒺藜

各一兩

右為末每服二錢米湯下

助陽和血湯

方在傷寒熱病後症內

赤而痛



問曰人之患眼赤而不痛者何也答曰肝熱也膀胱
澁而不利心火炎也人身之血若河澤之流比若川
澤疏通以歸於海若膀胱壅塞則洪水妄流人之血
順則經絡流利上下相接週而復始逆則散漫妄行

上注於目故赤而不痛也今膀胱不利心火上炎肝經實熱豈不若川澤之壅塞也治之須用八正散導赤散順肝丸服之

八正散

導赤散

二方俱在大皆赤脉條下

順肝丸

黃連

黃芩

當歸

麝仁

三十粒

右共為末煉蜜為丸

左 赤 傳 右



問曰左赤傳右何也答曰此陰經火熱也陽中行陰也肝也陰中行陽心也邪熱攻積於肝也肝邪交於心傳於目也左目屬太陽右目屬太陰故左赤傳右太陽經旺也宜服三黃丸洗心散

三黃丸

方在大骨赤脉症內
熱甚加黃柏

洗心散

大黃

當歸

赤芍藥

甘草

荊芥


麻黃

梔子

各一兩

右各等分水煎服

右赤傳左



問曰右赤傳左何也答曰此陰經火旺脉有陰經及陽絡皆屬於肺氣者肺之精也故右赤傳左乃肺經邪熱陰絡火旺宜服瀉肺散一曰陰虛命門火旺也瀉肺散

方在膜入水輪症內

桑白散 治肺氣壅塞邪熱上攻眼目白睛腫脹日夜
痛心煩悶

桑白皮

玄參

升麻

杏仁

旋覆花

赤芍藥

菊花

葶藶

防風

黃芩


枳殼

甘草

炙各
一兩

右每服水一鍾半姜三片煎至八分食遠溫服

胞腫如桃



問曰人之患眼胞臉壅腫如桃者何也答曰此乃脾肺之壅熱邪客於腠理致上下胞腫如桃痛澁淚出不絕之注桃目治之用桃葉烘熱熨其腫處宜服此散清涼散羌活除風湯蟬花散主之

此散清涼散

升麻

赤芍藥

川芎

柴胡

各三兩

玄參

黃芩

荊芥

甘草

白朮

梔子

赤茯苓

乾葛

草決明

右為末每服六錢水煎服

羌活除風湯

羌活

獨活

川芎

桔梗

大黃

地骨皮

黃芩各一兩
麻黃

蒼朮

甘草

菊花


木賊

右水煎服

蟬花散

方在花翳白陷症內

視物不真



問曰人之患眼視物不明如紗遮睛何也答曰此血
衰氣旺血為榮氣為衛衛為陽而氣清榮為陰而氣
濁素問曰清氣為天濁氣為地清陽發腠理濁陰走
五臟者心肝脾肺腎也眼有五輪內五臟腎屬於木

輪為瞳人腎水衰不能濟於肝木使肝木血衰不榮於眼目故睛少短不能久視腎衰不為心火交濟故心火上炎眼目必熱則看物不準今腎水衰乃虛陽攻上肝血衰故目不得血豈非血衰而氣旺也服駐景丸補腎四順涼肝散

駐景丸

川椒

目一兩去

楮實子

五味子

枸杞子

乳香

人參

各一兩

兔絲子

肉蓯蓉

各五

錢

右煉蜜為丸鹽湯下

四順涼肝散

荊芥

川芎

當歸

防風


赤芍藥

甘草

漢防已

右各等分水煎溫服

室女逆經



問曰人之患眼女子逆經血灌瞳人滿眼赤澁者何
也答曰此乃室女或肥壯婦人血熱經閉過期不行
則血逆行於上注於目灌於睛外皆紅色或烏睛上
起如努肉治之切不可鉤割只用下氣破血通經之

藥其血翳自退宜服調經散破血紅花散順經湯
赤散

調經散

香附米

當歸尾

各一兩

大黃

五錢蒸

黃芩

二兩

黃連

生地黃

赤芍藥

川芎

羌活

梔子

薄荷

木賊

蘓木

紅花

甘草

以上各一兩

破血紅花散

方在血翳包睛症內

治室女逆經眼疼痛生血翳包

睛

順經湯 能通經行血止痛

當歸尾

川芎

枳殼

小茴香

柴胡

陳皮

玄胡索

白芍藥

青皮

香附子

桃仁

紅花

肉桂

熱甚加黃連黃芩

右各等分水煎食後溫服


導赤散

方在大背赤脉症內

沒藥散

方在胞肉生瘡症內

血室澁痛



問曰婦人遇行經之際眼目澁痛者何也答曰肝虛也凡婦人稟受虛者眼中原有病根若遇行經之際去血過多肝經愈加虛損故使眼目轉加疼痛腫澁難開頭痛眩暈生翳於黑睛上或如粟米或如花翳

白陷皆因肝衰虛也宜服當歸補血散點以九一丹

當歸補血散

當歸

川芎

白芍藥

防風

細辛

菊花

甘草

車前子

蒺藜

白朮

羌活

茺蔚子

薄荷

各一兩

大黃

五錢

右每服八錢水煎入酒三盞溫服

八物湯

治虛損血枯上攻眼目

黃芪

茯苓

熟地黃

川芎

當歸

人參

菊花


白芍藥

右每服半錢溫服

欽定四庫全書

卷下

赤 黃 睛 白



問曰白睛漸漸黃赤者何也答曰酒毒也酒能發陽
過飲無度脾經受濕傷肝膽助火火傷於肺經白仁
屬肺故白仁黃赤者酒之過也引血傷於肝肝受其
血熱自上朝於目目受其酒之熱毒灌注睛輪黃赤

宜服黃連解毒散服數貼之後點以清涼散

黃連解毒散

黃連

黃芩

黑參

龍膽草

荊芥

天花粉

梔子

茵陳

生地黄

桔梗

車前子

連翹

右每服水煎加童便三盞溫服

清金涼肝散

黃連

黃芩

梔子

連翹


葶藶

桑白皮 麥門冬 天花粉 赤芍藥 乾葛

荊芥 杏仁 青皮 甘草

右水煎加蜜一盞入內煎一沸食後溫服

患眼頭疼



問曰人之患眼偏正頭痛者何也答曰風毒甚也頭
風在右者屬痰屬熱用蒼朮半夏熱用酒製黃芩在
左屬風及血虛風用荊芥薄荷血虛者用芎歸芍藥
酒製黃芩此三症看而用之有驗治法痛甚者酒調

散表之熱痛者石膏散
清空散川芎茶調散
冷痛者酒調散
川芎散神清散
主之風毒作痛
菊花散如神
散主之不必點丹

酒調散

下桑螺蛸的

方在暴風客熱症內

灸穴

百會一穴

神聰四穴

臨泣二穴

聽會二穴

耳尖二穴

風池二穴

光明二穴

太陽二穴

率骨二穴

定髮際并點各穴法則

南筠參入

偏則

灸一邊
痛處

前眉心平以墨點記以草比同身寸三寸自眉心比至草盡處是前髮際亦以墨點記又大杼骨上一點以前草三寸盡處亦點記是後髮際又將草自前髮際比至後髮際平摺摘去一節又將草均分作六摺摘一摺止存五摺以此草自前髮際比至草盡處是百會穴

又以百會穴為中四邊各開二寸半乃神聰穴也

灸耳尖穴即率骨穴

將耳摺轉尖上比寸半盡是率骨穴

考過同

臨泣穴

以童人對眉尖上點為記以草自點比上三寸半是臨泣穴

光明穴

對童人上眉中是光明穴

攢竹穴

眉頭兩陷中是攢竹穴

睛明穴

在目內大眥外眥肉上陷宛中

頰車穴

在耳下曲頰端陷中

風池穴

在後髮際陷中

肝腧穴

在第九骨下各開寸半

天府穴

在胸兩腋下三寸宛宛中

聽會穴

在耳下前陷中開口取之

耳門穴

在上耳前起肉當耳缺

魚尾穴

在小背橫紋盡處

太陽穴

在外背五分是

石膏散

石膏

五錢

麻黃

一兩

何首烏

五錢

乾葛

八錢

右用水煎食後服

清空散

川芎

五錢

柴胡

七錢

黃連

炒

防風

去蘆

甘草

炙

羌活

各一兩

梔子

兩半

黃芩

三兩半炒一
半酒製一半

右為細末每服一錢熱酒內入茶少許調如膏臨臥
抹口內少用白湯下如頭疼每服加細辛二錢如太
陰脉緩有疾名痰厥頭疼加羌活防風川芎甘草半
夏一兩五錢如偏正頭痛服之不愈減羌活防風川
芎一半加柴胡一倍如發熱惡寒熱兩渴此陽明頭
痛只服白虎湯加香白芷

白虎湯

知母

石膏

甘草

加吳白芷

右各等分入粳米三十粒水煎服

川芎茶調散

治諸風上攻頭目偏正頭痛熱頭風

薄荷

八錢

防風

一兩五錢

細辛

一兩

羌活

白芷

甘草

各二兩

川芎

荆芥

各四兩

右為末每服三錢蔥白茶調湯溫服常服清頭目

芎藭散

治冷頭風

石膏

二錢五分

草烏

一分五厘

芎藭

二分

薄荷

二分

甘草

一分

白附子

二分

白芷

三分

細辛

一分

仙靈脾

二分

清神散

方在兩臉粘睛症內

治冷頭風

枳殼

白芷

石膏

甘草

細辛

麻黃

菊花散

方在迎風灑淚症內

如聖散

白芷

川烏

防風

各一兩

細辛

二分半

雄黃

二分

草烏

炮過去皮

兩頭尖

右為末溫酒調下二日服一次

通頂散 治一切頭風

川芎

白芷

谷精草

藜蘆

防風

薄荷

牙皂

蔓荊子

細辛

蒲黃

右為末口含水嚙之吹入鼻內亦可

雄黃丸

治偏正頭風

全蝎

雄黃

各二錢

盆硝

一錢五分

乳香

沒藥

各二

錢

薄荷

川芎

各一錢

片腦

一分

右為末口噙水搐以鼻內日二次

貼諸般疼痛眼方

赤芍蒲黃與鬱金

芙蓉研末拌均勻

硃缺土螺緊姜汁

若然常痛只擦睛

痛甚加白芷

南星

無名異

血見熱久不開


加生川烏等分為末熱水調搽眼眶四圍乾了再

換

羌活除風湯

方在前

眼能遠視不能近視



問曰能遠視不能近視者何也答曰氣旺血衰也經云近視不明是無水也治宜六味地黃丸加補腎丸諸補陰藥皆可主之

六味地黃丸 治腎虛眼不奈視神光不足

熟地黃 白茯苓 牡丹皮 澤瀉 山茱萸

山藥 一方加川芎當歸蔓荊子

右為末煉蜜為丸如梧桐子大每服三十九空心服
不必點丹

問曰能近視不能遠視者何也答曰血虛氣不足也
經云遠視不明是無火也治宜初起者服地芝丸千
里光散菊花散隨人氣血虛實加減諸補藥皆可用
地芝丸

甘菊花

枳殼

各一兩

生地黃

四兩

天門冬

四兩

又加麥門冬亦可用

右為末煉蜜為丸每服三十九空心鹽湯下

千里光散

菊花

千里光

甘草

各等分

右為末每服三錢夜後臨臥用茶清調下

菊花散

菊花

四兩

甘草

五錢

生地黃

四兩

白蒺藜

去刺 兩炒

右為末每服二錢食後米泔水下

小兒疳傷

問曰小兒三五歲身加癆瘵面色痿黃眼內紅腫或
突者何也答曰脾胃受傷五臟火旺名曰疳傷也治
宜退熱用寒涼劑潮熱用胡宣二連湯有蟲史君子
湯收功用五疳丸點用清涼散若至胃氣下陷泄瀉
頻頻無治法眼珠或突起變白者廢人耳

二連湯

胡黃連 五分 宣黃連 一錢 成童子者焙之

右為末用蜜水調服或成貼服亦妙熱甚加銀柴胡

史君子湯 能殺疳虫

史君子 三箇 輕粉 一分 慈珠 幾顆

右史君子輕粉二味為細末入鷄蛋一箇攪均用濕紙包七重煨熟蛋息火氣空心與吃連吃四五箇蛋止不可多用

五疳丸 方在小兒疳傷症內

猪肝散

方在小兒疹痘症內

駐景補腎明目丸

治肝腎俱虛瞳人內有淡白色昏

暗漸成內障服能安魂定魄補血氣虛散

五味子

熟地黄

酒蒸妙

枸杞子

楮實子

酒浸

肉蓯蓉

酒蒸焙

車前子

酒洗

石斛

去根各一兩

青鹽

另研一兩

沉香

另研五錢

磁石

火煨醋水飛過

兔絲子

酒浸另研各一兩

右為細末煉蜜為丸如梧子大每服七十丸空心鹽

湯下

救苦湯 治熱症用裏不得能退熱亦赤

桔梗

連翹

紅花

細辛

甘草

炙

當歸身

蒼朮

龍膽草

羌活

升麻

柴胡

防風

藁本

黃連

黃芩

生地黄

知母

川芎

赤芍藥

右薑三片葱三根食後溫服

決明子散

黃芩

甘菊

木賊

草決明

石膏

赤芍藥 川芎 羌活 蔓荊子 甘草

石決明

右各等分為末每服三錢水一盞姜三片煎至七分
食後服

貼諸般赤眼 治眼赤腫不開者

黃栢 姜黃 南星 草烏 黃連

右等分為末姜自然汁調貼兩太陽穴一二次痛止
如有赤障起亦可貼打傷赤腫不開如芙蓉葉菜豆

粉調貼同葱搗貼亦妙

清涼消毒膏 敷諸熱眼

薄荷葉

芒硝

大黃

細辛

雄黃

黃栢

右等分為末水調塗之效

經驗洗眼散

洗時眼熱眼

大黃

山梔子

防風

薄荷

川芎

羌活

甘草

右等分用水煎薰洗

洗眼湯泡散

當歸稍 赤芍藥 黃連 杏仁

右為細末每日二次用水湯泡洗

酒煎散 治眼有風熱赤澁痛宜服

防風 防已 甘草 荆芥 當歸

赤芍藥 牛旁子

右等分用好酒煎食後服

酒調散 治白仁腫痛可服

槐花 梔子 牛旁子 防風 蛤粉

右等分為末水煎食後入酒少調服

大黃當歸散 治眼壅腫瘀血凝滯不散攻冲生翳宜

服

歸尾 酒浸 川芎 各一兩 菊花 三兩 大黃 酒炒 五錢 黃芩

蘇木 梔子 酒炒 各一兩 紅花 五錢

右等分照加減用水煎食後服

加味湯泡散 洗眼方

歸尾

赤芍藥

黃連

杏仁

加防風

各一兩

銅青

二錢

薄荷葉

三錢

三淚

一曰冷淚 二曰熱淚 三曰眵淚

一冷淚不赤不痛無翳無膜凡早出迎風有淚或至秋迎風有淚其淚自出病在肝也

二熱淚如糊粘下與上臉皮有紅有腫眼罔不見日

夜見燈火淚湧出病在心也

三眇淚如糊粘兩眼弦赤腫生努肉病在肺也

冷淚用肝經止淚方

當歸

青鹽

地黃

木賊

熱淚用此方

荊芥

梔子

黃芩

黃連

木賊

地黃

夏枯草

眇淚方

桑白皮

夏枯草

川芎

木賊

葶藶

麥門冬 梔子

治上實下虛血貫腫睛

防風

二錢

羌活

白芍藥

各兩半

荊芥

二錢

生熟地黄

各兩半

粉草

五錢

當歸

二錢

川芎

四錢

菊花

二錢

加茯苓

右為末水一鍾入當土地黃同煎溫服忌一切毒物

川芎丸 治頭風冷淚

川芎

細辛

白朮

甘菊

白芷

右為細末蠟丸如黍米大夜臥一九日中一時辰換
一九荀收仲嘗謂予曰有人視一物作兩物醫者作
所氣有餘故見一為二教服補肝氣藥皆不驗此何
疾也予曰孫真人云目之絲上屬腦後出於頂中邪
中於頭逢身之虛其人沉則隨目絲入於腦轉轉則
目絲急急則目眩以轉邪中其睛所中不相比則睛
散睛散則岐故見一物為兩物也後令服驅風入腦

藥則愈

加減駐景丸

治肝腎氣虛視物朦朧血少氣多

車前子

略炒二兩

當歸

去尾

熟地黃

洗各五錢

枸杞子

川椒

楮實子

無翳不用

五味子

各一兩

兔絲子

酒煮焙半斤

右為細末蜜水煮糊丸如梧桐子大每服三十九空

心或酒或鹽湯下

撥雲散 能散風毒退翳障及赤爛弦者

羌活

防風

川芎

白蒺藜

荊芥

蟬退

甘菊花

各一兩

右為細末每服二錢食後桑白皮煎湯調服

瀉膽散

治瞳人乾缺內障

玄參

黃芩

地骨皮

麥門冬

知母

各一

兩

黃芪

羌蔚子

右每服水煎食後溫服

天門冬飲子

治轆轤轉則外障

天門冬 荒尉子 知母 各二兩 五味子 防風 各一

兩

人參 茯苓 羌活 各兩半

右每服水煎食後溫服

補言方 所著法最奇云眼淚痒或生翳或赤痛並皆治之

右用宣州黃連稿碎末麤核仁去皮研為膏等分
合取無所病乾棗頭三枚割頭少許留之却去核以
二物滿模於中却將割下棗頭依前合定以少綿裹

之惟薄羔則以茶甌量水半碗於銀確器內文武火
煎取一雞子大以綿濾待冷點眼前後試數人皆應
食醫家用亦多得効故附之萬不失其驗

補陽湯

治陽不盛其陰乃陰盛陽虛則九竅不通今青白翳
見於大背及足太陽少陰經中鬱遏足厥陰肝經氣
不得上通故目青白翳內阻也當於太陽少陰經中
九原之下以監府中陽氣衝天上行此乃先補其陽

後於太陽標中標者頭也瀉足厥陰肝經火也上下
伏於陽中乃陰治也內經云陰盛陽虛則當先補其
陽後瀉其陰此法是也每日清晨以腹中無宿食服
補陽湯臨臥服益陰丸若天色變大寒大熱并勞役
預日飲食不調精神不足乃先補其陽氣上升通於
肝經之末利矣

人參 熟地黃 黃芪 白朮 甘草

白芍藥 羌活 獨活 澤瀉 陳皮

各一兩

陳風各五知母炒

當歸身去蘆酒製

白茯苓

去皮

生地黄炒各三錢

柴胡去苗三兩

肉桂

右同為粗末每服半兩水三盞煎至一盞去渣空心宿食盡消服

知母飲子 治花翳多年不退

知母 荒蔚子 各三兩

防風 細辛

桔梗 茯苓 大黃 芒硝 各一兩

右每服水一碗煎至五分食後溫服

開明九 治遠年近日翳障昏盲寂無所見一切目疾

熟地黄

一兩半
酒浸

兔絲子

車前子

蕤仁

去皮

麥門冬

決明子

地膚子

羌蔚子

黃芩

枸杞子

去心

五味子

防風

去蘆

澤瀉

細辛

杏仁

炒去
皮尖

青箱子

葶藶

官桂

羊肝需

用白羊者肝薄切片焙乾作末或只以肝煮研爛
為末作丸或少則以蜜漬之

右為細末糊丸如梧桐子大每服三十九熱水下日

三服仍忌生姜糟酒炙燂等物

磨光散 治諸風攻眼磨翳障除昏暗

防風

羌活

菊花

草決明

蟬退

去足

蛇退

剪碎和麻油炒

甘草

炙

沙苑蒺藜

形如羊腎者漫

火畧炒

石決明

揚碎研細以水飛過各五錢

右為細末每服一錢半食後麥門冬煎湯調服

蜜蒙花散

治冷淚昏暗

蜜蒙花

菊花

蒺藜

石決明

木賊

去節

白芍藥

甘草

各五錢

右為細末每服一錢清茶調下服半月加至二錢

決明散

治眼見黑花不散

決明子

甘菊花

各一兩

防風

去蘆

芎藭

車前子

細辛

梔子仁

蔓荊子

玄參

白茯苓

山茱萸

各一兩半

生地黄

各三兩

右為末每服二錢食後鹽湯調下

羌活散

治風氣攻眼昏澁多淚

羌活

川芎

天麻

旋覆花

藁本

防風

蛇退

甘菊花

細辛

杏仁

去皮

各一兩

甘草

炙五錢

右為末水煎食後服

草龍膽散

治上焦風熱毒氣攻冲眼目暴赤礫痛羞

明多眵迎風有淚翳膜攀睛努肉隱痛病皆治之

龍膽草

木賊

去節

草決明

微炒

甘草

炙各二兩

附米

炒去

毛

川芎

各四兩

右為末每服二錢麥門冬熱水入沙糖少許同煎食
後調服或米泔汁調亦好

地黃散 治黑睛或白睛先赤而後痒迎風有淚隱澀
不開

生地黃

兩

芍藥

五錢

當歸

甘草

各五錢

右每服五錢食後服

嚙鼻散 治目風熱腫赤難開

雄黃

辰砂

各三兩

細辛

五錢

麝香

片腦

各一

分

右為細末口含少許嚙鼻中

瀉肝散 治天行赤眼外障

知母 桔梗 羌蔚子 大黃 玄參

羌活 細辛

車前飲 治肝經積熱上攻眼目逆順生翳血灌瞳人

羞明怕日多淚宜服之

車前子 炒 蒙花 去枝 草決明 羌活 白蒺藜

角 炒去

龍膽草 菊花 粉草

還睛補肝丸 治肝虛兩目昏睛衝下淚

白朮

細辛

川芎

人參

羌活

去蘆

決明子

微炒

當歸

切焙

白茯苓

去皮

苦參

防風

去蘆

官桂

去粗皮

地骨皮

玄參

黃芩

菊花

五味子

車前子

炒

青箱子

甘草

炙

右為細末煉蜜糊丸每服三十九加四十九不拘時

米飲下

鎮肝丸

治肝經不足內受風熱上攻眼目昏暗痒澁

難開多眵洒淚怕日羞明時發腫赤或生翳障澁並

皆治之

遠志

去心
三兩

地膚子

二兩

青箱子

少

白茯苓

防風

決明子

蔓荊子

人參

各二兩

山藥

甘草

甘菊花

栢子仁

細辛

玄參

車前子

地骨皮

右蜜糊丸每服三十九丸食後米湯下日三服

羌活散 鎮肝明目暴赤眼一切內外障翳

羌活

川芎

防風

旋覆花

各五錢

楮葉

楮實

蒼朮

米泔浸去皮

蟬退

木賊

菊花

桑葉

甘草

各二兩

右為細末每服二錢清茶下早晚食後臨臥時各一服合藥時不得犯鐵器及不見火忌麵及酒諸毒物

青箱子丸

治肝虛積熱外障

箱子

二兩

車前子

兔絲子

熟地黃

茺蔚子

五味子 細辛 防風 人參 澤瀉

茯苓

各一兩

右每服三十九空心茶清下

地黄丸 治用力勞心肝虛風熱攻眼赤腫羞明漸生

翳膜兼肝腎風毒熱氣上衝久視目疼傷肝血肝主
血勤書則肝傷而目昏肝傷則目傷風而熱氣湊目
昏一盛不宜專服補藥當益血鎮肝而目自明矣

熟地黄

兩半

菊花

防風

光明砂

羌活

桂心

沒藥

各五錢

決明子

黃連

各一

兩

右為末煉蜜為丸每服二十九食後熱水服日三次
晉范甯嘗苦目痛就張湛求方湛戲之曰古宋陽子少
得其術以授魯東門伯次授左丘明遂世世相傳以
及漢杜子夏晉左大冲凡此諸賢並有目疾得此方
云省讀書一減思慮二專內視三簡外觀四日一起
晚五夜早眠六凡六物熬以神火下以氣飾蘊於胸

出七日然後納諸方寸修之一時近視數其目睫遠視尺箠之餘長服不已非但明目及亦延年審如是而行非可謂之嘲戲亦有方也

菊花散

治肝受風毒眼目昏朦漸生翳膜

甘菊花

四兩

蟬退

去足

白蒺藜

炒焦去刺

木賊

童便

浸宿晒乾

羌活

各三兩

荊芥

甘草

各二兩

右為細末每服二錢食後清茶調下

湯泡散

治肝虛風熱攻眼赤腫羞明漸生翳膜

杏仁

防風

黃連

赤芍藥

歸尾

各五

錢

銅青

一錢

薄荷

三錢

右剉碎每服二錢極沸湯泡乘熱先燻後洗冷則再換熱用日兩三次一方入白鹽少許開目沃沸洗鹽亦散血

雷巖丸 治男子婦人肝經不足風邪內乘上攻眼睛淚出羞明怕日多見黑花翳膜遮睛臉生風粟或痒或痛隱澁難開兼人患偏正頭風牽引兩目漸覺細

小視物不明皆因腎水不能既濟肝木此藥久服大
修腎臟能添目力於人服藥多不知根源往往不效

枸杞子

菊花

各二兩

巴戟

酒浸一宿
去皮心

肉蓯蓉

牛膝

各一兩

川椒

三兩
去目

黑附子

青鹽二錢以泔水同
煮未浸去皮根

右為細末浸藥水煮麵糊為丸每服十九空心溫酒
下

又方 治肝虛或當風眼淚鎮肝明目

右用臘月健牛膽盛黑豆不論多少浸候百日開取

食後夜間吞三七粒神效

萬壽地芝丸 治目能近視不能遠視食之能治風熱

天門冬

去心

生薑

焙各四兩

甘菊花

二兩

枳殼

炒三兩

右為末每服一百丸食後茶清或酒下

洗肝散 治肝實眼

人參

黃芩

去黑心

赤茯苓

梔子仁

川芎

柴胡

地骨皮

菊花

桔梗

黃連

甘草

右每服入苦竹葉七片食後服

羚羊角散 治肝臟實熱眼目昏暗時多熱淚

黃芩 梔子 瓜蒌 胡黃連 菊花

細辛

右每服加竹葉煎之

竹葉湯 治肝臟實熱眼赤疼痛

淡竹葉 黃芩 升麻 木通 黃連

車前子 玄參 芒硝 梔子 大黃

炒

右食後服

龍膽飲 治肝臟實熱眼赤腫痛

龍膽草 梔子 防風 山茵陳 川芎

玄參 荊芥穗 菊花 楮實 甘草

右食後服

決明子湯 治肝臟實熱目眦生赤肉溢痛

決明子炒 柴胡 黃連 竹葉 防風

升麻 細辛 菊花 甘草

右水煎服

瀉肝散 治肝熱赤眼腫痛

梔子仁 荊芥 大黃 甘草

羊肝丸 治肝經有熱目赤睛痛視物昏澁及治障翳

青盲之眼

羯羊肝

五兩切片
生用

黃連 研為末

右先將羊肝去筋膜於砂盆內搗入黃連末杵和為丸每服五十九不拘時熱水送下忌猪肉及冷水一

運作五劑瘥昔唐崔承元內障喪明夜坐聞有聲問誰答曰營蒙出活今特來謝授此方依方修合服之眼復明朗

助陽活血湯 治眼發之後熱壅甚白睛紅多眵淚無疼痛而隱澁難開此因服苦寒藥過多真氣不能通九竅也故眼花不明宜助陽和血補氣眼中自然明朗不必點丹

柴胡 白芷 升麻 當歸 黃芪

防風 蔓荊子 甘草

右水煎臨臥熱服避風寒忌食冷物

甘菊花散 治肝氣壅塞翳障遮睛隱澁難開

菊花 木賊 防風 蒺藜 甘草

木香

右為末每服一錢七分不拘時沸湯點服

甘菊花湯 治內外障翳一切眼疾

菊花 升麻 旋覆花 石決明 川芎

金匱要略卷下
大黃

炒各五錢

石膏

羌活

地骨皮

木賊

炒

青箱子

黃芩

防風

梔子仁

荊芥

草決明

黃連

甘草

右為細末每服五錢水一碗蜜一盞煎至七分食後

溫服

八子丸 治風毒氣眼翳膜睛不開久新及內外瘀障

青箱子

決明子

葶藶子

車前子

五味子

枸杞子

地膚子

茺蔚子

麥門冬

去心

澤瀉

防風

去蘆

黃芩

各一兩

右為細末煉蜜和丸每服二十九加至三十九茶清送下溫米飲亦好日進三服

靈圓丹 治男女攀睛翳膜痒澁羞明赤筋碧暈內外

障瘵內風赤眼並宜服之

蒼朮

米泔浸四兩

川芎

柴胡

白附子

遠志

去心

羌活

獨活

菊花

青皮

陳皮

荊芥

石膏

防風

青箱子

全蝎

仙靈皮

炙酥

木賊

去節

楮實

黃芩

甘草

各一兩

右為細末煉蜜糊餅蒸熟為丸一錢重一箇食後荆芥湯或酒或茶磨服日進二丸其功立驗

柴胡退翳丸

一名地黃丸

治內障右眼小眦青白翳大眦微顯白翳腦痛瞳子散大上熱惡寒大便澀或時難小便如常遇天煖熱處頭痛睛脹能食日沒後天陰則昏暗此症亦可服

名滋陰地黃丸

熟地黃

錢八

生地黃

黃栢

當歸

酒製

丹參

茺蔚子

知母

黑附子

寒水石

羌活

芍藥

一兩
三錢

防已

酒製
一錢

牡丹皮

川芎

柴胡

錢五

右為細末煉蜜為丸如梧桐子大每服五七十九空心白湯送下如消食未盡候飢時服之忌語言隨後以食壓之東垣蘭室秘藏方云翳在大眦加葛根升麻翳在小眦加柴胡羌活是也

補腎丸 治黑翳如珠外障

人參

茯苓

細辛

五味子

桔梗

肉桂

各一兩

乾山藥

栢子仁

各二兩

乾地黄

一兩五錢

加知母

黃栢

二兩

青鹽

一兩

右為末煉蜜和丸每服三十九空心白湯下

退熱飲子

防風

黃芩

桔梗

羌蔚

各三兩

大黃

玄參

細辛

五味子

各一兩

右為末每服五錢水一盞煎至五分食後服

搜風湯 治旋螺大起外障

防風 大黃 天門冬 五味子 桔梗 各一

兩 細辛 羌蔚 各三 菊花 兩 芍藥 各一

兩五錢

右每服五錢水一鍾煎至五分食後服

抽風湯 治癰魁肉外障

防風 桔梗 大黃 細辛 黃芩

玄參

車前子

芒硝

各一兩

右每服五錢水煎食後服

摩風膏

治鵝眼凝睛外障

黃芪

細辛

當歸

杏仁

防風

松脂

黃蠟

各一兩

白芷

小麻油

各四兩

右為末煎成膏塗之

補腎丸

治眼暗浮花恐變成黑風內障

澤瀉

細辛

兔絲子

酒浸焙乾

五味子

炒各
一兩

茺蔚子

焙二
兩

山芋

一兩五錢
即山藥

熟地黄

焙二
兩

右為丸每服二十九空心鹽湯下

磁石丸 治雷頭風變內障

磁石

燒紅醋浸
三次

五味子

炒

牡丹皮

乾姜

玄參

各一
兩

附子

炮五
錢

右為末蜜和為丸每服十九食後清茶或鹽湯下

瀉肝散 治肝虛雀目恐變成內障

防風

去蘆

黃芩

桔梗

芍藥

大黃

炒

右每服入芒硝半字臨臥溫服

連栢益陰丸 一名瀉陰火丸

黃連

酒洗炒
一兩

防風

五味子

甘草

羌活

獨活

歸尾

酒洗各
一兩半

黃栢

細辛

知母

各一兩

石決明

燒存性

右煉蜜為丸如棗豆大每服三十丸漸加至百丸止

用清茶下常服補陽湯少服此藥為不可勝補陽恐

妨飲食

升陽柴胡湯

升陽泄陰羌活柴胡補陽湯

柴胡

羌活

獨活

甘草根

去稍

歸身

熟地黄

酒炒

楮實

人參

白朮

白茯苓

黃芪

各五錢

澤瀉

陳皮

防風

各三錢

知母

三錢

酒浸夏月加五錢

肉桂

五分

右剉碎每服五錢水二盞煎至一盞去渣稍熱服仍合一料煉蜜為丸食遠清茶下五十九每日與前藥

各一服如天氣熱加五味子三錢天門冬去心五錢
更加楮實五錢

桑白皮湯 治目生花翳白點狀如棗花

桑白皮 木通 澤瀉 犀角 黃芩

甘草 玄參 旋覆花 川大黃

炒各一兩

菊花 一兩 甘草 五錢 炙五錢

右為細末每服二錢水一盞煎六分連渣湯溫服

枸苓丸 治男子婦人腎臟虛耗水不上升眼目昏暗

遠視不明漸成內障

枸杞子

四兩

白茯苓

八兩 皮去

當歸

二兩

青鹽

一兩 另研

兔絲子

四兩 酒浸蒸

右為細末煉蜜和丸每服七十九食前白湯下

熟地黃丸

治血弱陰虛不能養心致心火旺陽火盛

偏頭腫悶瞳子散大視物則花理當養血涼血益血

除風散火則愈矣

熟地黃

一兩

五味子

枳殼

炒

甘草

炙各

三錢

右為細末煉蜜和丸每服一百丸食遠清茶送下日
進三服忌食辛辣物而助火邪及食寒冷物損胃氣
藥不能上行也

煮肝散 治目生黑花漸成內障及開睛偏視風毒攻
眼腫痛澁痒短視倒睫入目

羌活

去蘆

獨活

去蘆

青箱子

菊花

各一兩

右為細末每服三錢七羊肝子一葉剉細淡竹葉數
片同裹如粽子大別用黑豆四十九粒米泔一碗銀

石器內同煮豆爛泔乾為度取肝細嚼溫酒下又將
豆食空心日午夜卧服

芎藭散

治目暈昏澁視物不明

白芷

一錢

芎藭

地骨皮

荊芥穗

何首烏

去黑皮

菊花

旋覆花

草決明

石決明

制不碎

甘草

各一兩

青箱子

蟬退

去足

木賊

各五

錢

右為細末每服一錢七米泔水調下

金匱要略卷下
滌風散洗眼方 治風毒攻眼赤腫痒痛

黃連

蔓荊子 各五錢

五味子 二錢

右剉碎細末分三次新水煎濾清汁以手澌洗效

通頂散 治風毒攻眼并夾腦風

細辛

去葉

香白芷

藿香葉

去上

川芎

躑躅花

三錢

右為細末每用先含新汲水一口然後挑少許搐在
鼻內以手擦兩太陽穴

銅青方 洗眼治風弦毒服

銅青 黑豆大一塊

防風 一兩 杏仁 二箇去皮尖

右各細切於盞中新汲水浸湯瓶中頓令乘熱洗之如痛者加當歸數片

蟬殼散 治眼目風腫及生翳膜等疾

蟬殼 地骨皮 黃連 牡丹皮 白朮

蒼朮 米汁浸焙 菊花 各一兩 龍膽草 五錢 甜瓜子 三兩

右為細末每服一錢半荊芥煎湯送下食後臨臥各

一服

涼膈丸 治眼狀青色大小

黃連

洗不
見火

黃芩

荊芥

龍膽草

各五錢

蘆薈

防風

各一兩

黃柏

去皮

地膚子

右為細末煉蜜和丸每服二十九食後薄荷湯送下

麥門冬散 治血灌瞳人昏澁疼痛及輓轡門外障

麥門冬

大黃

黃芩

桔梗

玄參

細辛

芒硝

各五錢

右每服水一鍾煎至七分去滓下芒硝少許食後溫服

連翹飲子 治目中惡翳與大眦隱澁小眦緊久視昏
花近風有淚

連翹 當歸 蔡花 蔓荊子 甘草

柴胡 升麻 黃芩 黃芪 防風

羌活 生地黃

右等分食後服

調經散 治室女月水停久倒行逆上冲眼先以光明

散點血膜不退用珍珠散點先以調氣則血通矣

烏藥

附米

陳皮

川芎

當歸

茯苓

防風

荊芥

升麻

乾葛

血竭

紫微花

紅花

不通加蘓木氣不順加木香沉香

右二香不過火煎出藥後將此二味香磨與藥同服
若經脉月流不斷或因氣脹冲眼眼珠腫痛翳膜不

退服天麻散

天麻退翳散

治垂簾翳障昏暗失明

當歸

一兩好酒
浸焙乾

熟地黄

一兩酒
浸焙乾

赤芍藥

二兩五錢
熱水泡

川芎

一兩五錢

白姜蠶

一兩熱水泡洗
去絲姜汁炒

蟬退

五十隻水
洗去頭足

羌活

防風

荆芥

木賊

各一兩
去根節

石決明

一兩燒
過存性

白蒺藜

一兩五錢

白芷

一兩五錢

甘草

七錢

麥門冬

二兩

黃芩尾

羊角天麻

炒存性

厚枳殼

炒

蔓荊子

各一兩
打少碎

菊花

一兩

蜜蒙花

七錢

共二十一味每服蓮子三箇燈心七根水一鍾半煎至八分食後溫服若眼紅加黃連

酒煎散

治眼赤色有氣熱宜服

此方痛治婦人赤腫下垂初服此起

漢防已

防風

甘草

荆芥

當歸

赤芍藥

牛旁子

右酒煎食後服

大黃當歸散

治眼壅腫瘀血凝滯攻冲生翳宜服

當歸

菊花

大黃

炒

黃芩

紅花

炒

蘇木

梔子

炒

右煎服

當歸薄梗湯

治眼生翳淚出羞明發久不愈

薄荷

桔梗

知母

黑參

黃芩

酒炒

赤芍藥

生地黃

菊花

羌蔚子

當歸

桑白皮

防風

川芎

白芷

甘草

右淨水一鍾煎服

黃芩白芷散 治眼血翳淚出羞明發久不愈

當歸

黃芩

防已

防風

川芎

白芷

蒺藜

石決明

桔梗

青箱

草決明

蒙花

茺蔚子

菊花

木賊

知母

赤芍藥

右為細末食後清茶下

防風菊花湯 治初起努肉攀睛急宜服之

防風

黃連

桑白皮

赤茯苓

瞿麥

車前子

梔子

大黃

黃芩

細辛

桔梗

連翹

右水煎半飢溫服

加減當歸菊連湯 治膜下垂初服初發此方致效

如久病此方收功

當歸

白芷

赤茯苓

黃芩

赤芍

知母

桑螵蛸

生地黄

木通

連翹

麥門冬 菊花 防風 川芎 石膏

羌蔚 覆盆子 甘草

右水煎食後服

蒼朮散 治小兒痘瘡入眼生翳膜羞明怕日

蒼朮 槐花 防風 乾葛 藁本

川芎 蛇退 枸杞子 蒺藜 黃芩

酒炒

乳香

不見火藥
前成方下

白菊花

家產

蟬退

木賊

石膏

谷精草

甘草

沒藥

不見火煎成
藥傾碗內同

乳香一
齊下服

右為末水煎食後服大人水煎小兒為末服之

此治小兒疳眼其症泄後眼不開宜服 此進賢方

當歸

菊花

黃連

各五錢

右為末水一鍾入蜜一匙煎三沸食後服之

小兒班瘡入眼

柴胡湯 又用茶調洗肝散 如赤眼用四物湯

四物湯

赤芍藥

羌活

蟬退

木賊

黃芩

大黃

蒙花

粉草

桔梗

蒺藜

鬱金

當歸

防風

龍膽草

川芎

獨活

石膏

川椒

菊花

草決明

黃連

荊芥

蒼朮

車前子

谷精草

右每服燈心十根溫服

六一九 治熱淚

蛤粉

黃連

木賊

香附米

右為末糊丸茶送下

通草散 治風淚障翳

川芎

羌活

赤芍藥

甘草

當歸

麝香

右為末搜勻為丸如皂角子大百沸湯泡淚眼神效

治眼赤腫

大黃

荊芥

鬱金

薄荷

朴硝

痛加沒藥

右為末用姜汁調或亦加葱根搥爛和藥貼太陽二穴

治小兒眼不開

用葶藶子為末取猪膽調貼額上

小撥雲散 治男婦目澁痛爛淚出羞明怕日血灌瞳人

黃芩

甘草

梔子

大黃

芍藥

龍膽草

鬱金

羌活

蟬退

木賊

當歸

蒙花

蒺藜

洗心散

治眼目腫痛難開澁淚

大黃

炒

黃芩

梔子

甘草

黃柏

木通

菊花

赤芍藥

防風

荊芥

密蒙花散

治久患內外障翳羞明怕日迎風洒淚腫

痛難開努肉攀睛風熱氣障等病皆治之

蒙花

威靈仙

草決明

羌活

大黃

黑附子

石膏

川椒

炒

木賊

甘草

蟬退

獨活

楮實子

川芎

荊芥

車前子

防風

菊花

黃連

蒼朮

右燈心煎服

消風散 治一切風毒上攻頭目拘急鼻澀男婦宜服

藿香

白芷

全蝎

甘草

防風

青風藤

又方 治前症外感風邪頭痛鼻塞流涕眼目赤腫

荊芥

甘草

羌活

防風

陳皮

川芎

蘓葉

蟬退

附米

升麻

麻黃

右姜三片葱三根紮服取汗為度

治爛弦風 不問遠年近日洗藥

黃連

五倍子

麝仁

當歸

明礬

焙

銅青

右為細末將小鍾張水入藥於內飯上蒸過藥水點洗爛處為妙

治時行熱眼

防風

川芎

生地黄

赤芍藥

梔子

龍膽草

蒼朮

浸炒

甘草

荊芥

黃柏

右煎服

爛弦風

用白礬光醋飛過取無病婦人乳汁調雞毛點搽之

爛弦風

赤眼

水銀 一錢

銀硃 五分

銅青 三分

右姜包煨過共為末篩過點眼弦如神

眼目頭痛消風散

藿香

川芎

甘草

白茯苓

人參

荊芥

蓬州豆

甘草蜚

陳皮

蟬退

羌活

獨活

防風

加細辛白芷薄荷名川芎茶調散

點藥 冷服用

火硝

二錢水飛過晒乾蘆甘石煉過
二分不開流淚風痒一切治之

熱眼

朋砂

一錢
研細

片腦

二釐入
前藥

暴赤眼

雞子

一箇去
黃用白

黃連

研細末一錢入雞子白
內紙封放爛泥中埋一

日一夜次早取
出濾過點之

五臟要論

心熱眼紅者血熱則可用黃連當歸尾蘇木紅花赤

芍藥痺痛之類虛者本方若虛此數味除之加人參
細辛沒藥歸尾熟地黃茯苓之類

肺熱火旺者則可用山梔子桑白皮地骨皮黃芩防
風天麥二門冬之類虛則可加人參沉香黃芪門石
五味子之類實者用葶藶子連翹

肝氣盛火旺者則可用柴胡羌活青箱子白芍藥矜
羊角虛則除之加熟地黃當歸川芎楮實子枸杞子
之類

脾胃實者則可用石膏朴硝黃芩黃栢虛則除之可加白朮蒼朮枳殼陳皮半夏人參之類

腎熱相火旺者則可用黃栢知母車前子木通滑石瞿麥匾蓄大黃朴硝之類虛則大忌之可加肉蓯蓉五味子磁石兔絲子乳香川椒青鹽枸杞子之類

夫審瞳人之法瞳人開大者忌辛辣之藥瞳人焦小者宜寒涼辛辣則可也開大者以酸藥收之焦小者以辛藥散之久注不開者宜發之久積宜行氣血為

主

養肝血還睛丸亦可用之

未成症主方秘要 服表裏不退疼痛愈甚用細辛湯

明目細辛湯 治眼赤痛眉攢腫悶鼻塞涕唾稠粘大便秘結羞明怕日隱澁難開睫成紐多眵粘

助陽和血湯 治陰陽不升降作痛不時隱澁有淚眵蠹紅淚糊或時發赤眼涼藥不退者用

當苦湯 眼暴發熱火旺苦疼不住服利藥未效有熱
火退可用

當歸龍膽湯 治眼中黃仁生黃白翳從下而上此候
多是火旺也人若患此此藥能瀉火退熱又能退翳
消紅腫

桑螵蛸酒調散 治風熱裏病雙解散實熱裏病此藥
治傷風頭疼及眼珠腫痛或偏正此是傷風寒眼腫
雖甚其眼皮帶浮而軟人多鼻塞聲重眼羞明怕日

白仁雖虛壅而不蠹紅如此狀者用前二散表裏之
腫消痛止用生地黃散撥雲湯變用又變前方不可
久服

鬱金酒 裏熱無表症治一切實熱其眼腫起如桃有
不近人手之怕羞明怕日或內壅突起蠹紅淚出如
湯鼻涕溇流內生淡赤虛翳如此狀者其翳不能為
害熱去退翳即消此藥通解之痛止後用救苦湯當
歸龍膽收功

酒調洗肝散

經驗洗肝散

治一切熱眼及赤眼難

開眼珠痛白仁赤而痛不虛可用止痛生地黃散後

用功亦同

當歸活血湯

治羞明怕日者頭痛雖甚內不蠹紅此

樣眼多虛或眼上珠生白陷翳者此方可與蟬花散

蜜蒙花散相間服之效

蜜蒙花散

治一切體虛之人無疼有羞明者服涼藥

不得其眼羞明而內痛白仁內隱紅常流清涕淚視

物蒙蒙此藥可用日進二三服決明子散蟬花散此三方功亦同效

省風湯 治一切肝氣有餘瞳人鎖緊或成乾缺視物不能明繚亂白仁淡紅瞳人焦小黃色夜見五色燈光者此方能除肝膽極熱

久仙飲 治年老之人眼赤不退帶紫紅白色若然有蠹紅者以暴發客熱類推之

洗肝散 治眼肝氣有餘風輪變色焦枯或疼痛外生

赤翳此方能除火退肝熱

紫金丸 治外障生雲膜血翳服涼藥不退而不多痛者可用

夜光柳紅丸 治風毒上攻服虛腫頗有紅紫或痒或痛生翳年久服諸藥不效可用

修肝散 治暴發眼及發不時疼痛甚者熱服肝氣上升淚出汪汪內有鮮紅可用至如痛止血散不用

補肝重明丸 治諸眼服涼藥表裏愈後失神光者其

眼無羞明用之能補養肝血還睛丸亦可用之

當歸龍膽湯 治眼中黃仁生白翳從下而上此候多是火旺也人有此患此藥瀉火退熱用能退翳消紅腫

審症應驗口訣

如男子婦人患偏正頭痛者先審熱甚用雙解散二貼大通之後服川芎茶調散加涼劑點用九一丹冷痛者用桑螵蛸酒調散大通之後用川芎散神清

散主之點用清涼散少加腦入些姜粉無不效矣

烏輪赤暈刺痛浮漿此肝熱也治法宜用酒調洗肝散
加麻黃赤芍或瀉肝散收功生地黃散點用
清涼散一九丹

膽生清淚枯黃遠睛此肝虛也治法用止淚補肝散點
用九一丹後服補腎丸此乃滋母益子也

瞳人開大淡白偏斜者此腎虛也治方服補腎丸補腎
明目丸駐景丸點用九一丹多服少點

瞳人焦小或帶微黃此腎熱也治法先服五瀉湯著風之類後收功用補腎明目丸久服甚效

瞳青胞白痒而清淚不赤不疼是謂之風眼治法服羌活除風湯點九一丹間二八丹入些姜粉效

烏輪突起胞硬瞳紅眵淚濕漿裏熱則痛是謂之熱眼治方用雙解散加涼大通之劑腫痛止用生地黄散點用清涼散間九一丹點之隨人治法用之

眼渾如淚胞腫而軟上壅濛濛酸渣微赤是謂之氣眼

服桑螵蛸酒調散後服明目流氣飲當歸湯主之

其或風與熱并則痒而浮赤風與氣搏則痒澁昏沉點
用九一丹間二八丹服羗活除風湯

血熱交聚故生淫膚粟肉紅縷偷針之類服用瀉脾湯
瀉心湯主之點用清涼散有淫膚粟肉可剝洗至平
洗上

眼熱經久復有風冷所乘則赤爛點用清涼散服用瀉
心湯洗肝散主之洗用綿裹散其效甚速

眼中不痛而赤但為痰飲所注則作痛服用半夏二陳湯三四貼後服明目流氣飲不用點藥

肝氣不順而挾熱所以羞明服用洗肝散二三貼加麻黃後服蜜蒙花散五七貼補腎主之點用九一丹加清涼散初不可重藥

白睛帶赤或紅筋者其熱在肺服洗肺湯除熱飲洗肝散點用清涼藥九一丹

上胞下臉或目唇間如疥點者其熱在脾治先服瀉脾

湯瀉脾除熱飲三黃丸主之可劑可洗用清涼散點
有淚翳者九一丹點之

因風則散之用九一丹入些姜粉熱則清涼散點之氣
結則調順之將前藥間點因風者可用防風通聖散
即名雙解散後服羌活除風湯熱者洗肝散修肝散
氣結者服流氣飲黃芪湯主之

白陷魚鱗之症多因肝腎俱實血衰成陷治法服酒調
散二貼後服蟬花散蜜蒙花散相間服之效點用二

八丹調乳汁點間九一丹點之

突起睛高旋螺尖起嶮峻利害之症也又有一法與他取平之效將鋒針針入三分以鳳屎點針口所以毒攻毒或陰丹醮點亦可先服鬱金酒調散四五貼後可動針此乃平之法無光之效也

又有一症遙年月眼內痒極秘曰諸痛為實諸痒為虛人之患眼虛腫及眼眶骨此痰飲為患治法用明目流氣飲加半夏陳皮厚朴三味用姜二片同煎連服

四五貼其痛即除另將二陳湯丹藥亦可點用治之
隨輕重所施治法在人意耳

頭風

冷痛

熱痛

風痛

痰厥痛

係偏風

陽明頭痛

眼淚

熱淚

冷淚

虛淚

風淚

濕淚

審症秘論

暴發眼者審他是熱甚用雙解散苦湯當歸龍膽湯修
肝散洗肝散瀉肝散鬱金酒調散

有是風熱火病服涼藥不退者用明目細辛湯助陽活
血湯紫金川芎茶調散明目流氣飲桑螵蛸酒調散
有是久病血滯風甚用當歸和血煎神清散沒藥散捲
雲湯發散無時用生地黃散破血紅花散

有是風毒為病用蟬花散如聖散川芎茶調散神清散
夜光抑紅丸痰病用清熱半夏二陳湯之類老痰用

四生湯

有是久病無表病裏病眼內淨了用蟬花散蜜蒙花散
決明子散十味還睛丸

若內病俱無但是外病可次第依法不需服藥有翳只
是去翳藥加減療之

辯眼經脉交傳病症論

有人問於予曰人之眼目乃五臟六腑之精苟有患
傷於內腑其理何哉然則又有左病而不傳右右病

而不傳左左右俱病未審其詳請而言之予應之曰
噫非精於岐黃龍木之奧者莫明乎此也

夫眼者乃五腑之專精也目者乃心之竅也瞳人者
腎之精也宗精之水所以不出行血裹之氣輔之共
湊於目頭者諸陽之所聚也足太陽膀胱之脉起於
目之銳背通頂入腦正屬目本名曰眼係督脉陽柔
之會首循風府而出則入係腦則為目風厥肝脉上
出額督會於巔頂其別交者從目係風相搏故目眊

瞤無所見頂中風府兩筋之間乃別陰陽交於目內
銳皆陰氣盛則目膜陽氣盛則目瞋病而不得臥者
衛氣不得入於陰故陽氣滿而陰氣虛故目不瞋而
不得拋者衛氣流於陰不得於陽陽氣虛故目閉故
病猶有偏勝之理且飲食之中有五味天地之氣有
六淫人身之中有七情皆能生病更有賊微正邪之
別氣與味也皆無形之物能傷於有形之質何患不
生於病況眼科之中又有與大方之不同治之各有

異亦宜審其受病之因視其內外淺深之症假若一
槩治療不無抱薪之患良可惜哉予因幼耽疾苦求
醫療迨今數年於是熟玩諸家之書治之玄妙之旨
訪尋師友寶博方書採集百端推原其本凡有疑難
之間不耻下問務究奧旨子能潛心注意雖不登岐
黃龍木之岸亦可謂醫中魁者也

凡看眼法先審瞳人神光次看風輪再察白仁四辨
胞臉二眥此四者眼科之大要看眼之時令其平身

正立緩緩舉手輕撐開眼皮先審瞳人若有神光則
開合猛烈次看風輪若展縮雄健則魂魄無病三察
氣輪無病則澤潤光滑四辨其肉輪若好則開合有
力二皆不蠹赤矣

凡審翳法若久年翳膜能去者其翳浮虛爛紅其眼
不張若近年發歇眼其翳紅白色浮厚者有些紅未
退其淚者易散看其中多有死釘不能去若散翳如
紅霞色者易退若因頭痛起因有死白翳者難退又

有一樣厚翳去盡其眼全痊黑睛有些微雲薄薄帶
淡白色不能去名曰冷翳

凡烙去將烙時可安心定志將眼撐開用濕紙將四
眥好肉處以濕紙敷定只留要烙處許大將匙燒紅
於細綿上開過即烙之不可傷四弦烙乾用和解藥
外敷之使且拔出火氣

用夾法

夾時先審轉看上下胞臉有瘀血處可剗剗至平血

盡方止方可夾上夾子其夾不可高大只在重弦上
仔細看其腱毛轉又要平正方可著力扯緊其夾肉
處用小艾團灸三箇不可多灸灸多恐潰夾次日夾
肉若未乾可再催用淡淡丹藥去其餘翳此眼縱有
厚翳不可用重藥

用金針撥光子之時將蓉花葉末調水護之一日一
換宜服謹翳丸等方

凡撥金針看人老瘦就手撥之肥壯者先宜服退氣

散血和其五臟後可撥之

退氣散血

大黃

末二錢五分

當歸

末二錢五分

川山甲

一分

二釐

連翹

二分二釐

白芷

一分二釐

乳香

一分二釐

沒藥

一分

二釐

開金針法

凡開金針需擇吉日風靜日煖需待日午之時焚香
請呼龍樹醫王觀音菩薩然後方靜坐片時定自己

之氣息令人取木凳一條以綿被帖軟全患者坐於
凳被上騎馬對坐面與我對平毋俟高低緩緩以銅
簪脚於開縫處點計之次看鋒針口與瞳人三分之
下要憑口訣使高低遠近與將鋒針令其入眼轉看
數遍足了方按鋒針三四下看透了即取起有些血
出用綿紙拭乾其血後方用地方令針緩緩擦訊若
透此針取出然後依法用天字針再進取翳其翳若
好撒開裹針緩緩收下停針畢方落在後去紙舉物

與他看之即見不可與他人久視即用濕紙重重封
固太陽用水膏塗之至次早方開看再換濕紙再封
如此七日斜臥不可憑他番身轉側七日後方開封
與起無妨矣 念觀音呪七遍方取出金針看其翳
不浮起即用濕紙封片時方去紙舉手動之

觀音呪

願眼紫金燈洒洒水离易黄沙滿藏經千眼千首千
龍王文殊大士騎獅子普賢菩薩乘象王日裏雲膜

盡翳膜消磨強中強吉中吉眼中常願得光明清淨
般若波羅密

眼科用藥次第法

夫眼疾之醫雖分症類而其中病源不可不深思而
熟視哉夫疾有久新証有輕重需分表裏風熱氣熱
濕熱實熱而新病者皆因內積熱毒之輕循經絡而
上頭目遇外風寒所觸而發者必需先發表風邪後
乃遠其火熱黃連黃芩以瀉火防風薄荷以疎風兼

以麻黃蒼朮之類如無風寒所逼惟血壅上宜用當
歸大黃防已墜下之劑久眼昏蒙所眊宜用當歸地
黃防風羌活之類有翳膜加木賊蒺藜蟬退決明等
劑如胞合眼皮不開此乃寒邪之氣傷胞宜行氣之
藥青皮黃芪香附兼以風藥佐之血滯者宜調血赤
芍歸尾鼠粘如頭痛者羌活白芷蔓荊藎本川烏之
類佐以風藥防風荊芥玄參柴胡細辛用之必當也
如眼眩暈昏潰十分作痛但虛腫痛及眼眶此乃痰

飲所患宜二陳湯兼佐以風藥如腫脹暗痛熱淚難
禁者苦寒之藥宜然但視人之形氣虛實體之盛衰
務究其內外淺深不可專書全在人之活法方書者
乃前人立法之規使後無失其序如歸於症者則緩
可以尋方儻暴發者變動於頃刻苟不明於藥性寒
溫病勢之緩急而使之療非徒無益而反害之矣予
掇拾諸家之方贅成歌括六十餘首此平昔應驗之
神方若用意熟記則不思忖而了然矣若能知抽添

之工夫加減之意趣真可謂眼科中之至寶哉後之學者當以予之用心珍之重之俾術不輕而身不賤矣內障一書乃心授之法故不形於紙筆如若泛泛豈仁人君子哉

金針眼科經驗方藥詩括

酒調散歸及麻蒼赤芍菊甘羗大黃茺蔚桑螵共十味
暴風腫痛用之良

酒煎散內歸芎苓赤芍木通山梔仁龍膽大黃鬱金入

防風加上效如神

酒調洗肝有黑參知母大黃芩桔梗梔子朴硝共七味
睛痛淚出用之痊

四順當歸與大黃更兼甘草赤芍良不拘疾眼經年久
一服交君便可康

八正車前與瞿麥匾芍滑石山梔仁大黃木通同甘草
燈心竹葉效如神

雙解防風將軍芍薄荷芍歸草朴硝梔梗芩膏麻黃

荊芥白朮滑石良

當歸活血煎黃芪薄荷蒼朮麻黃宜川芎羌活菊花等
熟黃荊芥沒藥醫

大黃當歸散菊花薄荷黃芩川芎佳壅腫血凝生赤翳
頻頻服藥再連渣

七寶洗心當歸芍黃連荊芥及麻黃梔子大黃共七味
眼疼赤痛正相當

九仙飲治眼通紅赤芍當歸與木通白芷黃芩同甘草

菊花荆芥與川芎

治時散有蜜蒙花歸菊荆蟬梔子加木賊防風甘草配
更兼赤白芍無差

蒼朮散能止昏淚夏枯木賊甘草附蒺藜白芷芎防風
蟬退天蚕蔓荆助

修肝散有當歸苓薄荷連翹山梔仁甘草防風加蜜烹
肝虛目暗用之靈

瀉肝散內有桔梗大黃知母與黑參朴硝黃芩連十味

眼痛暴發霎時平

加味修肝散芥歸菊花羌活甘蒺藜大黃連翹薄荷梗
赤芍防風莫改移

涼膈連翹梔子仁大黃甘薄朴硝芩更加黃連赤芍藥
服之熱毒化為塵

茶調散內菊薄荷羌活川芎荆芥和石決石膏甘草少
防風木賊去流疳

眼中流出如何得四物補肝加木賊蒼朮防風白蒺藜

川芎羌活甘草炙

明目細辛藁本芎紅花歸蔓荊防風生黃椒茯麻根入
羌活蒙花共湊功

救苦湯內桔翹辛羌活川藁柴歸身龍膽知母荊防草
黃芩連栢生地升

撥雲菊枝及蟬退白蒺川芎荊芥配羌活防風桑白皮
掃除熱翳真無偽

肝風衝眼淚昏蒙羌活黃芪及撫芎甘草蒺藜荊芥穗

何愁翳膜障雙睛

蜜蒙花散有菊花木賊石決明莫差白芍甘草白蒺藜
細研為末用清茶

連翹散內有黃芩羌活菊花草決明白蒺蜜蒙龍膽草
更兼甘草去羞明

川芎羌活治頭疼藥本細辛白芷增更有蔓荊防風佐
教君一服便安寧

煖肝湯內有防風羌蔚藁甘及川芎五味細辛知母等

黃芩若治最多功

省味修肝用當歸赤芍防風白蒺藜蟬退大黃川芎使
更加木賊是其宜

復明散內石決明羌蔚青箱甘蔓荆木賊人參夏枯草
白芷芎蒺草決明

人參羌活散獨活甘草茯苓桔梗芍枳殼天麻地骨皮
柴胡前胡川芎藥

洗心散內七般藥甘草當歸同芍藥荆芥蒼木麻大黃

眼腫服之如捻却

退赤散內有大黃黃連白芷赤芍詳當歸白蒺藜去白
何愁淚出白如湯

小菊花散只五味蒺藜木賊五味是羌活為末用茶調
專治羞明并澁淚

防風湯內用蟬蟲薄荷當歸及川芎羌活大黃梔子草
熱衝眼目并頭風

蟬花散內菊苓風羌活山梔白蒺藜木賊蔓荊決明子

谷精荊芥草蜜蒙

省風湯內有羚羊羌活黑參麻大黃知母當歸升桔梗
蜜蒙甘草是奇方

補血當歸熟地黃白朮白芍芎芷防車菊辛羌甘白茯苓
桔梗羌蔚蒺大黃

活血當歸散木通黃芩生地與撫芎白蒺當歸生梔子
赤芍甘草菊花同

碗血當歸劉奇菊玄明赤芍紅蘇木夫芩歸尾羌連翹

木賊甘草生地熟

菩薩散藥只五味甘草防風白蒺藜蒼朮荊芥治羞明
效若靈丹故名是

明目流氣飲牛蒡荆玄梔藜細防風甘草大黃再添入
眼中赤澁不來攻

蔓荊散內有黃芪甘草人參白芍宜黃栢倍加將酒炒
昏蒙虛氣用之宜

川芎茶調散薄荷白芷防風甘草和更有細辛兼羌活

荊茶同煎用者多

助陽和血補氣湯甘草當歸白芷防蔓荊升麻柴胡使黃芪加上水煎嘗

省風百解荊芥參甘草陳皮白茯苓姜蚕芎藭防風藿蟬退厚朴羌活亭

散熱飲子用黃連防風羌活黃芩兼大黃當歸生地入腫痛暴發即時痊

龍膽散有乾菊花川芎香附木賊加草決明中加甘草

迎風冷淚却無些

芫窮散內荊芥多甘草菊花及薄荷蒼朮一味米泔浸
研為細末任調和

神仙退翳羌活歸甘草蒙花荊賊藜地骨瓜蒌蔓枳實
椒連蟬菊薄蛇皮

當歸龍膽升麻草赤芍柴胡五味藁羌活石膏同黃芪
黃栢連翹酒炒好

洗心眼散治退紅羌活升麻草木通梔子大黃赤芍藥

黃芩九味湊防風

偏正頭痛用清空黃連酒炒及川芎柴胡羌活黃芩草
細辛少使配防風

菊花茶調散川芎荆芥細辛草防風白芷薄荷羌活劑
姜蚕蟬退治頭風

打撲疹痘紅花散升麻生地羌活草大黃連翹赤芍藥
更加當歸尾國老

小防風湯梔子仁羌活甘草當歸身赤芍大黃水煎服

小兒熱毒用之神

小承氣湯薄荷蟬甘草杏仁及防風羌活天麻當歸是
大黃赤芍水煎同

菊花膏內用大黃荆芥黃芩術草蒼羌活防風黃連佐
細辛為末蜜調嘗

糖煎散有龍膽草防已防風同甘草赤芍川芎荆芥歸
服之奇效如神好

蟬花無比有茯苓羌活防風當歸身赤芍蒺藜同甘草

川芎蒼朮草決明

退翳撥雲黃連芩菊茺龍膽羌活荆大黃石膏甘白芷
石決防風草決明

以上六十一方 隨手作效

丹藥和論

對交丹四六丹可吹久年翳膜虛厚未堅實者不見
人物者可三日一次九一丹解之其翳即消散如水
厚薄至效如是對交四六不可用也後可用珍珠散

間九一丹點之

三七丹施於年久眼凡經曰翳不拘下生上上生下厚極者可二日一次以淡淡丹和解之

二八丹理三五年發歇眼有紅絲畧有疼痛痒澁其翳帶紅白色可一夜一次輕藥和之

九一丹治眼時嘗發歇眼目生翳或疼痛可點若無疼痛只用清涼散間九一丹點之若有淡翳似飛雲霧者只用碧雲丹清涼散吹點

又有一切冷眼不受寒藥者只用清涼散少加片腦入些姜粉時時點之效

又有一切眼不受納藥者看其翳若去得將各樣丹膏少少調乳汁時時少少點之更不受者用淨三黃陽丹不用腦點亦能消翳吹雲膏亦可主之

又有一樣受不得煎藥只將陽丹不用腦麝明砂點之

又有一樣眼諸丹藥點不服將雞子檳榔磨冷水將

雞翎點亦能退翳

又有一樣眼不用丹藥將青鹽及食鹽火燒過冷水調雞毛點亦能退翳

又有一樣眼人丟刺在眼不得出者將葱搥碎敷之又將五倍子搥碎敷刺亦出又將蜣螂即噴屎蟲研碎敷之刺亦出

煉蘆甘石浸藥水方

防風

黃芩

大黃

當歸

龍膽草

黃栢

各一兩

羌活

生地黄

川芎

白芷

細辛

菊花

各八錢

麻黃

赤芍藥

蒼朮

木賊

各六錢

黃連

一兩五錢

荊芥

五錢

薄荷

山梔子

各七錢

草烏

此以下三味新增

栢子仁

柴胡

蜜蒙花

右將二十四味俱選新鮮的細切如麻豆一咀用冷水四五碗銅盆內浸三四夜若春夏浸二宿秋五冬七日常以手擦過使其味出用細布濾過之

煉蘆甘石法

其甘石需選帶隔又要輕或帶淡天青色可也打碎用燒過銀鍋內貯滿一仰一盞頓丹爐內煉至及紅透鈴出淬藥水內其喫過藥傾撒仍將甘石置火內依前淬如此者三凡一次需煉及紅不透恐甘石變色黑淬三次已定將甘石通打碎又用新藥水浸一宿去火毒次日傾盡藥水晒乾研末有石者作一處無石者作一處異研又可將藥水

再濕過晒過研極細細絹篩過即為陽丹

修合陰丹法

煉過甘石

四兩

銅青

七錢五分

礞砂

白的二錢半

青鹽

二錢半

彌陀僧

一錢

右將此五味用龍膽草及黃連二件浸過的水通將五味和均濕過礞碗內研得如泥至膩方可晒乾再研方入別藥

又入六味

黃連

二錢五分
淨末

細辛

末二錢去
葉

草烏

末二

錢

薄荷葉

八分

乳香

製過
錢半

沒藥

製過一錢合
乳香製法在

後

右將此六味研至極細膩方入別諸藥

後藥味

朋砂

明者一
錢五分

胆礬

三分

雄黃

七分要黃
明者

輕粉

七分

黃丹

五分之一
砂沉丹用
晒乾去硝

硃砂

五分

牙硝

五分

海螵蛸

七分之一
白色者不
煨味淡

血竭

五分

白丁香

五分即小雀屎立飲者

明礬

一錢火枯

姜粉

七分姜汁沉瀝細晒乾

片腦

少許

麝香

少許

除片腦及麝香隨時加減外其餘藥二十三味通共一處併研至細膩細絹篩過貯作一確謂之捲雲丹即陰丹也惟此一料捲雲丹以陰陽動靜用之或可加可減斟酌膜之厚薄翳之遠近假如年久翳膜厚者加以陰丹減陽丹若使翳膜薄者或乍發不久者又加以陽丹減以陰丹外障諸症不出此藥百試百

驗無不效真乃濟世之靈寶也

珍珠散 治一切膜障眼

乳香 製過

沒藥 製過

珍珠

製過以上各一錢五分

明砂

枯過

各一錢

輕粉

一分半

麝香

七釐

牙硝

二分半

銅青

五分

硃砂

一錢五分

片腦

二分

血竭

五分

胆礬

二分半

明礬

枯二

分半

白丁香

二分

麝仁

二錢

新竹筒盛了文武火煨去壳油筒兩頭亦

要紙封固取出白皮方去油研用

琥珀

八分

買時以一點研將簪

脚點放火上燒化為清烟

者氣做松香其色蠹紅乃為真也

右精製為極細末配童子小便浸三黃水煮甘石為
陽丹聽用

怕日羞明多淚並皆治之却將黃連末熊膽牛黃麝
仁四件用長流水一大碗於磁器內熬至半碗用重
綿布濾去渣量意入蜜二兩文武火熬至紫色蘸起
牽絲為度不可太過不及方將朋砂龍腦收貯在磁
器封固土埋七日出火毒用時將銅簪蘸點於眼內
少許日點三次忌動風之物

靈妙應痛膏 此膏治眼疼痛暴發不可忍者

麝仁

一百粒去皮油

硃砂

飛一錢

片腦

乳香

如棗

核大

朋砂 一錢

右將前藥俱為細末用蜂蜜為膏子以銅簪點之一
二次其痛即止

神仙碧霞丹

銅綠

一兩

當歸

二錢

沒藥

二分

馬牙硝

五分

麝香

二分

乳香

五分

黃連

末二錢

片腦

二分

白丁香

二分

一方加此三味

右將前藥俱研為末熬黃連膏子為丸如龍圓核大
用時將一九涼水化開日點二次六次效

吹雲丹

治目中淚及迎風並羞明怕日常欲閉目在

暗室塞其戶牖翳成歲久遮睛此藥多點神效

細辛

升麻

麝仁

各二分

青皮

連翹

防風

各四兩

柴胡

五分

甘草

當歸

各六錢

荊芥蕙

一錢絞取濃汁

揀黃連

三錢

生地黃

一錢五分

右將㗎咀陰連翹外用淨水二碗先熬餘藥僅半碗入連翹同熬至大盞許去渣入銀石器內文武火熬至滴水內成珠不散為度煉熟蜜少許熬用之

搐鼻散

三黃

黃栢

黃芩

黃連

煉煮礮內三黃同便以乾為度取出又以龍膽草水洗浸一宿晒乾甘石即三黃丹聽用以前珍珠散藥末為極細末再不必用製配合三黃聽用

珍珠散 此能退翳翳厚者點之合此藥朋砂要枯過

用

一倍三黃丹

一倍珍珠散

腦麝朋砂臨

時放量度下

如要輕些

一倍三黃丹

一倍珍珠散

腦麝朋砂如

前

再要輕些

陽丹一倍

三黃丹一倍

珍珠散一倍

上三樣共合腦麝朋砂亦要

合丹 功要法

其合丹之日要天晴日朗更搗諸藥要細篩而又篩

方妙

九一丹

九匙陽丹

一匙陰丹

二八丹

欽定四庫全書

銀海精微
卷下

九十九

八匙陽丹

二匙陰丹

三七丹

七匙陽丹

三匙陰丹

四六丹

六匙陽丹

四匙陰丹

已上丹藥俱腦麝朋砂枯煨過臨時量度加減放

假如二八丹陽丹八匙陰丹二匙用片腦三釐枯過

朋砂四釐麝香二釐

九一丹陽丹九匙陰丹一匙枯過朋砂五釐片腦三釐麝香一釐能止淚去翳

清涼散

即陽丹十匙朋砂六釐生用片腦三四釐麝香三釐其腦麝朋砂點時合丹量度下

碧雲丹

即清涼散加銅錄亦要腦麝或加枯礬少許能去翳膜用

捲雲丹

即陰丹如遇眼勾煎大小皆頭暈可將藥調液點退

血

又有一丹點能退翳

捲雲丹一匙

陽丹半匙

姜粉三分

飛礬半分

燒過鹽一分半

共合點之

七寶散

琥珀

珍珠

錢各三

朋砂

五分

珊瑚

一錢半

硃砂

礪砂

各五分

麝仁

三十粒

片腦

麝香

各一分

玉屑

一錢

右將前藥俱細研礪如塵埃方入麝香片腦麝仁三件再研熟官絹篩過於確內夜間臨臥以銅簪挑一米大許點於有翳膜處

撥雲散

蘆甘石

煉過各二兩

黃丹

製過各二兩

川烏

一兩五錢

犀角

一兩

乳香

沒藥

礪砂

青鹽

各二錢五分

朋砂

血竭

輕粉

鷹屎

各二錢

片腦

五分

麝香

五分

麝仁

去壳一錢半

右將前藥如法精製共研和均極膩以羊角罐收貯
但有翳膜者以銅簪每夜臨臥點二次極厚者亦能
去也

治諸眼一切點貼膏藥

千金勝極膏

蘆甘石

煉過各一兩

黃連

末六錢

川烏

炮去皮六錢

銅青

好的二錢

川姜

煨去皮六錢

鷹屎

二錢

沒藥

製過

黃丹

各一錢

乳香

製過一錢

血竭

一錢

朋砂

五分

龍腦

五分

麝香

二分

麝仁

去皮油
淨六錢

右將前藥俱為末冬蜜一斤砂鍋內溶開生絹濾過
去蠟煎熬用棍棒不住手攪熬至紫色滴水不散將
前藥末入內攪勻取出於青石上鐵錘可打千餘下
或為錠子或為丸子不拘作法遠年近日疼痛風濕
難開諸症將一九溫水化開或點眼或作錠子磨水
點之極效又或為膏於紙上貼兩太陽穴散血尤妙

熊膽膏

熊膽

一錢真者其色如砂糖樣帶潤濕色喫在口內味苦又涼即真者

牛黃

一錢

龍腦

五分即蘇州薄荷其葉三四指大如羊葉相

麝仁

去油一錢

硼砂

一錢

黃連

為末二兩

此膏治男女遠年近日內外障膜赤爛天行時氣暴

發赤腫

治眼腫紅痛澀難開若用剗洗之後可吹鼻中先含水

一口然後吹之以通其氣散其風邪

鵝不吃草

二兩

川芎

白芷

石菖蒲

蔓荊子

各三錢

細辛

牙皂

全蝎

各

錢

鬱金

三錢

右為細末礮內收貯勿令泄氣以備後用

五黃膏

治目腫澀痛欲以冷洗應驗

好黃連

黃芩

黃栢

大黃

黃丹

右為末以芙蓉葉用冷水或煎茶調貼兩太陽穴

白斂膏

好白芨 小白芷 白斂

右為末牛脂熬成膏如前敷貼

四生散 治眼目被物刺傷或摸損

生地黄 生薄荷 生艾葉 生當歸 朴硝

右共搗爛貼眼眶并患處

神仙散 治頭目昏眩偏風痛極

甜瓜蒂 燄硝 雄黃 蒼耳子 川芎

薄荷 藜蘆 鬱金

右將前為末口含水吹一字入鼻中令患者含水一口方吹藥入患者鼻中

碧天丹 專治遠年近日爛弦風眼

銅青

五錢

明礬

四錢

五倍子

一錢

白礬土

一錢

海螵蛸

一錢

薄荷葉

五分

右將此六味俱為末用老姜汁攪和為丸如圓眼核大要用時將一九淡姜湯一盞泡散洗眼弦次日再洗依此洗三四次即愈

八仙丹 治爛眼弦風有蟲痒甚效

當歸 七分

銅綠 一錢

薄荷 七分

白礬 一錢

黃連

五倍

燄硝

各五分

輕粉

一分

右為末極細以絹篩用絹包約龍眼核大泡洗日三五次

藥性論

當歸味甘性溫入心肝二經尾能破血頭養血全用活血熱者不可用製用酒洗

川芎味辛性溫入肝經上行頭角助陽氣止痛下行血
海能養血如氣旺者不可用

赤芍藥味苦辛性寒入肝經能破血行血去赤膚止痛
白芍藥味苦酸性寒入肝經能補脾損肝氣能養肝血
瀉肝火如肝虛火衰者不可用

熟地黃味甘性溫入心經肝經補血如熱者不可用
酒蒸杵爛為餅晒乾研為末作丸如不作丸勿蒸
黃柏味苦寒入腎經補腎降相火如火衰不可用

龍膽草味苦性涼入肝經益肝膽氣治目赤腫除胃家

伏熱

半夏除濕化痰和胃氣利胸膈治太陰頭痛製用姜汁

炒

羌活入膀胱經治頭痛去風邪降肝氣肝虛不用

防風味甘辛性熱入膀胱經以體用通療諸風以氣味

能瀉肺經

黃連味苦寒入心經能瀉心火涼血去中焦熱厚腸胃

大黃味苦寒入胃經有推牆倒壁之功能消腫去其皮
膚之熱實者生用虛者酒蒸久患虛腫者勿用

生地黄入心經治血熱生新血散瘀血涼心血寒者勿
用

麻黃入肺經去風寒退邪熱開九竅發表

白芷味辛性熱入大腸經去風止痛泊足陽明頭痛去肺
肝二經發熱

細辛味辛性熱入心經能去風止淚頭痛益肝膽通竅

去葉用

山梔子味苦入肺經瀉肺火除五臟熱目熱赤腫宜用

要炒

木賊味甘入肺經去目翳益肝膽明目去風通竅止淚
蒼朮味辛性溫入胃經平胃氣去風邪去濕止淚發散
用米泔水浸一日一換水浸炒乾用

瞿麥味苦入小腸經去膀胱熱養腎氣明目利小便

黃連味甘性溫入脾經行氣固表虛血滯不行宜用蜜

浸火炙研為末作丸如不做丸勿如此

滑石入小腸經能降上炎之火通九竅利小便

車前子味甘鹹性寒入小腸經清利小便去肝經風熱
石決明入肝經去目障明目有沉墜之功肝虛者不用

火煨極紅為度

青箱子性微寒入肝經瀉熱上衝去赤障肝虛不用製

用酒洗

草烏明入肝經治肝熱熱痛淚出明目肝虛不用

白蒺藜不入湯藥宜丸入肝經明目去風止痒炒杵去刺用

牡丹皮味苦寒入腎經瀉陰火陽火能涼心血能行滯血止痛

地骨皮味苦寒入腎經退熱除蒸瀉肺熱宜用桑白皮味甘入肺經除肺熱瀉肺氣肺寒不用

麥門冬味甘寒入肺經治肺熱去肺腑火又清心竅蜜蒙花味甘入肝經去目中赤脉眵淚能明目

烏藥入肝經能順氣行氣去風

胡黃連味苦寒入肝經退骨熱潮熱補肝膽明目能治
小兒疳傷不下食霍亂熱痢疾小兒藥多用之

蔓荊子味苦寒入三焦治頭疼眼睛痛能明目開鬱降
火

枸杞子味甘入腎經補腎明目去目中赤膜遮睛酒洗
用

何首烏味苦入心經祛風寒治陽明頭疼

蟬退入肝經去風解毒脫目翳止淚散寒邪

白朮味苦溫入脾胃經能健脾胃生津液去胞臉濕熱
氣喘者勿用又能助氣

香附米味苦辛能行氣助胃氣止淚去濕用之炒去毛
杵淨

夏枯草稟純陽之氣得陰氣則枯能止淚去風以陽補
陰之理

千里光入心經去風解毒熱明目亦能行氣即夜明砂

水淘去屎留砂

一種草藥名千里光採其嫩葉淨洗搗汁熬成膏單用
點眼退翳明目恐即此也前註恐非

遠志味苦氣溫入心經定心益志利竅安魂魄

犀角入心經涼血解心熱清頭目鐵剉剉碎用或水磨

服

羚羊角入肝經清肺肝火清心明目肝虛不用

石膏入胃經瀉胃火伏熱有鎮之功胃虛不用

乾葛味甘平入胃經解肌發表退熱升提胃氣

藁本味辛入膀胱經去顛頭痛引藥上行

史君子味甘入胃經殺疔虫利小便

薄荷味辛寒入肝經去賊風發表利關節止痛

菊花味苦甘微寒入肝經明目清頭風去目翳發表

茺蔚子味辛甘入眼經除血熱明目去風

甘草味甘生寒熟溫入脾經生用能瀉火解毒炙者能

助胃和平

桑螵蛸補腎去風通五淋利小便明目散翳

槐花味苦寒入心經去心赤瀉血瀉大腸熱

鬱金味苦寒入心經治血鬱於目能涼能破心下氣開

鬱

黑參味苦鹹入腎經補腎氣明目得黃芩瀉肝火除肝

熱

知母味苦寒入腎經補腎水瀉腎火三焦火

桔梗味苦溫入肺經治肺熱為諸藥之舟楫乃肺部之

引經

芒硝治積聚熱疾利大便不通

漢防已味辛苦寒通行諸經去風寒有走達之功
蒲黃味甘性平入心經能消瘀血破血消腫炒用
連翹瀉心火解脾胃濕熱除心經客熱

五味子味酸性溫入腎經肺經補腎滋肺益肝

獨活味苦溫走諸經去外受賊風無分新舊

楮實子味苦寒入肺經升陽上行能去風治頭痛

肉蓯蓉味酸鹹性溫入腎經補腎生精用酒洗相火旺
不用

川椒味辛熱用之於上退六腑之沉寒用之於下去目
中障育去目眇去汗用

人參味甘氣溫無毒入肺經補氣不足安魂魄生精開
心竅通血肺寒可用肺熱傷肺

白茯苓味甘溫入肺經安魂定魄補心虛養神利小便
旋覆花味甘入肺經清痰明目治頭風

兔絲子味辛甘入腎經補腎明目能去目黑花酒洗蒸
餅晒乾為丸不做丸勿製

澤瀉味甘寒入膀胱利水通淋補陰不足明目

黑附子味辛大熱入三焦主陽散風去寒邪火旺者不
用即大附子去粗皮

木香味苦性溫入心經主治心痛泄胞腹中滯寒冷氣
不必過火磨入藥中服

牛膝能引諸藥下行丸用土牛膝春夏用葉冬用根惟

葉之效尤速能益精又治竹木刺入肉敷之即出
石斛味甘性溫入腎經去胃熱補陰血益精壯筋骨
紅花味甘苦入心經能破血行滯血少用養血

天門冬味苦氣寒入肺經瀉肺火定肺氣利小便涼血
去心杵為餅晒乾為丸如不做分研

石菖蒲味辛性熱入腎經補腎能開心竅明目

柴胡味苦寒入肝經能除往來結熱積於胸中除肝熱
又得黃芩能瀉肝火

黃芩味苦寒入肺經枯者瀉肝火實者退膀胱熱
巴戟能補腎益精療陰痿引氣上行

陳皮去白者消痰利氣留白者補胃和中

葶藶味苦寒入肺經瀉肝喘利水下肺氣炒用
芩蘄入腦治頭痛血虛者去頭風養血

白附子一名兩頭尖去風痰止頭痛去粗皮用

天麻主頭風去風痰利四肢濕痺

枳殼寬腸下氣祛風化痰治風邪作痛

瓜蒌根即天花粉入肺經去痰火解熱毒又能除酒毒
肺寒者不用冷痰者不可過用有熱藥此宜可亦
用之

匾蓄利小腸經熱閉

小茴香味辛氣平開胃行氣止嘔吐膀胱冷氣腫痛入
藥妙

南星去風痰消腫毒用姜汁煮過

草烏走筋骨敗血去風止痛姜汁煮用

川烏去風寒作痛助陽

荊芥去皮風邪發

雄黃解熱毒散血止痛

乳香調血氣利諸經之痛製用厚箬三片夾藥在中熨

斗火熨去油研末用

沒藥破血止痛去目翳暈同前製法

血竭破積血止痛去赤膚

木通利小腸經結熱降心火

牛旁子去風明目行血

蛤粉能消痰火涼血解肌表極熱

蛇退即蛇皮去風毒止淚痒痛

全蝎消風毒破風痰尾更佳去四足

藿香開胃氣結痰利之

蠶退去風消痰明目去翳膜即晚蠶砂

龍腦即薄荷性熱能通利寒熱去風消目赤

甘松味甘性溫去風下氣治心腹痛辟惡氣

硃砂鎮心安魂魄涼血

肉桂引太陽經止頭痛去寒邪利肝膽氣

白欬散結氣除目赤熱

藜蘆吐氣風痰快膈去蘆用根有大毒用宜斟酌

白芨去賊風解中風熱閉

猪牙皂角去風痰解表利氣灸去皮弦

香白芷去皮膚風熱瘡痒

杏仁潤肺氣去痰行血

紫蘊消痰解表利氣

夜明砂明目去風

山茱萸入腎經除頭暈補虛生精去核

天麻子去風補腎明目研碎入煎藥

熊膽退熱降火去目赤熱試真假用水一碗撒灰在內
將熊膽放水中分灰水各開兩邊為真者其色潤
黑

山藥補腎不足生精

牛黃去熱痰能安魂魄涼血清心

石燕通血利小便治淋

蕤仁去目中赤痛風痒去翳製法去殼用仁以竹筒盛
在內於紅火煨藥紙乾取出打去油聽用

珍珠清心明目去目翳製法用豆腐一塊入珠於腐內
蒸過取出用洗淨無漿白綿布二三重包珠石上
杵爛用細末

玄精石安魂魄有壯氣之功

沙魚皮解風毒止淚

威靈僊去風邪

青皮能下氣快膈消痰濁氣升於至高者而能下氣虛者不用

青鹽補腎引至下部水磨化銅鍋熬成鹽聽用
川練子明目退熱補腎去核用

沉香補右尺命門脉壯元陽散滯血

一方點藥撥翳膏

麝仁

去皮殼

麝香

四分另研

琥珀

一錢另研

珍珠

一錢放豆腐上蒸過

石蟹

一錢煨

片腦

五分另研

硼砂

一錢另研

青鹽

八分另研

白丁香

五分水燉

紅珊瑚

石燕

煨

滴乳香

炙辰砂

熊膽

畧炙乾

血竭

金精石

滾水泡

銀精石

滾水泡各一錢

蘆甘石

火煨黃連水淬次用七錢或

硃砂

一錢明者將紙七重包煨另研包起遇有翳厚者加入無翳者不用

右為細末和勻用磁器確裏起一半乾點一半入後

藥內為膏子點

當歸尾 生地黃 赤芍藥 蔓荊子 防風


羌活

連翹

黃芩

薄荷

各用五錢剉細用雪水或臘月水兩大盞石器內
煮藥至一盞去渣用真正好白蜜三兩再用文武
熬三四沸以新綿濾出收入磁罐內却將前藥末
共作一處攪勻用清油紙縛住常常旋取點用此
藥收八九年亦好不壞此仙傳方也



銀海精微卷下